



WWW.SOLODIPUEBLO.COM



SOLODIPUEBLO@GMAIL.COM

Minister Geoffrey Wever:
**REGULACION DI INTERES
MAXIMO RIBA CREDITO
TA UN PASO IMPORTANTE
PA POSICION
FINANCIERO SANO DI
NOS HOGARNAN**



Hoben cu aspiracion den cuida
medico inspira
**MAS DI 300 STUDIANTE
A ASISTI DI CUATER
“OPEN DAG” NA HOH**



**PARLAMENTARIO
XIOMARA MADURO
A PARTICIPA NA E
CONVERSATORIO
RIBA PAPIAMENTO NA
BIBLIOTECA NACIONAL**

OCASION GENERAL 2026

- 'LINTJESREGEN'

Den cuadro di e Ocasion General, diabierna mainta 26 di april 2026 a tuma luga e otorgamento anual di Condecoracionnan Real na e Ballroom di Hilton Aruba Caribbean Resort. Gobernador di Aruba, Su Excelencia Alfonso Boekhoudt, a haci entrega di e condecoracionnan. E aña aki a condecora 19 ciudadano di Aruba. A condecora e siguiente personanan como 'Ridder in de Orde van

Oranje-Nassau':

- Sr. Ewald Kurt Biemans
- Sra. Marlin Marlene Tromp

A condecora e siguiente personanan como 'Lid in de Orde van Oranje-Nassau':

- Sr. Oscar Edmundo Bolivar
- Sra. Cherryldine Thérèse Buckley
- Sra. Ida Philomena Croes
- Sra. Shahaira Valerie Croes
- Sr. Samuel Ewald Dumfries
- Sra. Francisca Petra Figaroa
- Sra. Joseany Violine Justine Geerman
- Sra. Niti Gupta
- Sra. Omar Clemencia van Heyningen
- Sra. Theresa Clarice van Heyningen
- Sra. Rona Haya Kahan
- Sra. Lillian Gloria Macknack
- Sra. Elfrida Alberina Pengel
- Sr. Juan Fulgencio Ruiz
- Sr. Ramphis Emile Milton Tromp
- Sra. Stella Hing Tromp-Chan
- Sr. Ireno Antonio Valdes

Kabinet van de Gouverneur van Aruba
Plaza Henny Eman 3 | Postbus 53 | Oranjestad, Aruba

☐ (+297) 583-4445 | ☐ communicatie@kabga.aw | ☐ www.gouverneuraruba.com

pagina 2 van 2

Persbericht 24 april 2026

ALGEMENE GELEGENHEID 2026
- 'LINTJESREGEN'

In het kader van de Algemene Gelegenheid, vond vrijdagochtend 24 april 2026 de jaarlijkse uitreiking van de Koninklijke Onderscheidingen plaats in de Ballroom van het Hilton Aruba Caribbean Resort. De Gouverneur van Aruba, Zijne Excellentie Alfonso Boekhoudt, heeft daarbij de Arubaanse



gedecoreerden hun lintje uitgereikt. Dit jaar zijn 19 Arubaanse burgers onderscheiden.

De volgende personen zijn gedecoreerd als 'Ridder in de Orde van Oranje-Nassau':

- Dhr. Ewald Kurt Biemans
- Mw. Marlin Marlene Tromp

De volgende personen zijn gedecoreerd als 'Lid in de Orde van Oranje-Nassau':

- Dhr. Oscar Edmundo Bolivar
- Mw. Cherryldine Thérèse Buckley
- Mw. Ida Philomena Croes
- Mw. Shahaira Valerie Croes

- Dhr. Samuel Ewald Dumfries
- Mw. Francisca Petra Figaroa
- Mw. Joseany Violine Justine Geerman
- Mw. Niti Gupta
- Mw. Omar Clemencia van Heyningen
- Mw. Theresa Clarice van Heyningen
- Mw. Rona Haya Kahan
- Mw. Lillian Gloria Macknack
- Mw. Elfrida Alberina Pengel
- Dhr. Juan Fulgencio Ruiz
- Dhr. Ramphis Emile Milton Tromp
- Mw. Stella Hing Tromp-Chan
- Dhr. Ireno Antonio Valdes



DEPARTAMENTO DI ASUNTONAN ECONOMICO, COMERCIO Y INDUSTRIA TA ANUNCIA

E maneho di orario di tienda pa Dia di Obrero ta lo siguiente:

1 mei 2026: no ta permiti pa un tienda ta habri pa publico

Esaki no ta conta pa pompstations, botica, ni pa sector horeca y tiendanan cu ta situa den un hotel cu tin hotelvergunning. Lo eherce control riba cumplimiento die maneho di orario.

www.deaci.aw

Comision Celebracion
Dianan Nacional ta
invita un y tur

PA PRESENCIA E ACTO PROTOCOLAR DI GOBIERNO RELACIONA CU DIA DI REY

Comision Celebracion Dianan Nacional (CCDN) ta invita comunidad henter pa bin cu famia y presencia e bunita Acto Protocolar di Gobierno relaciona cu e celebracion riba Dia di Rey. E Acto Protocolar aki lo tuma lugar manera custumber di tur aña na Wilhelmina Park **riba dialuna 27 di April 2026 cuminsando pa exactamente 8:00 am.**



Durante e Acto Protocolar aki lo conta cu presencia di Gobernador di Aruba, mandatarionan, presidente di Staten y parlamentarionan, Cuerpo di Marina Real, como tambe Comision Copa Hubenil Gobernador Felipe B Tromp y demas invitadonan. Cuerpo di Marina Real lo inicia cu e ceremonia di “gewapende wacht” y despues Gobernador di Aruba ta duna permiso pa inicia cu e “vlaggenparade” caminda lo hisa bandera di Hulanda y Aruba y toca e respectivo himnonan. Ta continua cu discursonan di Presidente di Staten y Prome Ministro di Aruba.

Tur esaki ta wordo acompaña pa presentacion di canto y baile na e publico presente.

Despues di e parti ceremonial, Gobernador di Aruba lo bay ta entregando premio na e hobennan cu a wordo nomina y gana den e categorianan Pre-hubenil y hubenil pa locual ta trata Copa Hubenil Gobernador Felipe B Tromp. Ta trata aki di hobennan cu a destaca y wordo nomina riba e terenonan di deporte, cultura of social. Bin y conoce Ganador Pre-Hubenil Ji-Zion Boekhoudt, Ganador Hubenil Randerly Trimon. Tambe lo tin premionan di estimulo cu ta bay pa Pre-Hubenil Angelly Lacle, Z-Nirich y Z-Zirich Gomez. Premionan di estimulo Hubenil ta bay pa Stephanie Quant y Dyon Courtar.

Bin cu bo famia y apoya nos mucha y hobennan cu semper ta orguyoso di por forma parti di e ceremonia protocolar aki. Tene na cuenta cu durante e mainta aki e caminda lo ta cera pa trafico, ta recomenda pa sigui borchinan di instruccion pa desviacion di trafico.



NA CAMINDA PA COPA MUNDIAL 2026

Fanaticonan mester di VPN pa mira seleccion di Boneiro y Corsou via NOS

E cadena di television Hulandes, NOS, a confirma cu nan lo transmiti tur e partidonan di e seleccion di Corsou en bibo durante e proximo Mundial di Futbol. Aunke esaki ta un bon noticia pa esnan na Hulanda, e situacion pa e fanaticonan den nos region, incluyendo Aruba y Boneiro, ta un poco mas complica debi na e derechonan di transmision.

Opcionnan pa mira e weganan

IPTV y Cable Local

Pa e fanaticonan cu ta biba den nos region y kier segura nan mes di mira e seleccion di Corsou enfrentando e gigantenan di futbol, tin varios opcion:

* Sistemanan di IPTV:

Esnan cu ta uza servicio di IPTV lo por busca e weganan via e canalanan internacional di deporte manera FOX Sports, ESPN of e canalanan nacional di Merca (Telemundo pa Spaño y FOX pa Ingles), cu tin e derechonan completo pa e transmision di e 104 partidonan di e Mundial.

* Cable Local

Companionan di cable local den nos region usualmente ta ofrece e weganan via nan paketenan di deporte. Ta espera cu lo tin transmisionnan special via canalanan regional cu tin e licencia pa e area di Caribe.

* Uzo di VPN

Si bo kier sigui e transmision especificamente di NOS, mester corda cu nan “livestreams” ta keda blokea pa nos area geografico. Den e caso ey, un conexion di VPN ta esencial pa por “gaña” e sistema y haci manera bo ta conecta for di Hulanda.

Kalender di Corsou den Grupo E

E seleccion di Corsou ta den un grupo hopi fuerte, caminda nan lo enfrenta potencianan mundial. Aki ta e schedule di nan weganan (ora local):

14 di juni (1:00 PM): Corsou contra Alemania.


21 di juni (8:00 PM): Corsou



contra Ecuador.

25 di juni (8:00 PM): Corsou contra Costa di Marfil (Ivoorkust).

Pa e periodista y fanaticonan cu ta sigui e seleccionnan di e islanan bisiña, e noticia aki ta sirbi como un advertencia pa prepara e conexionnan di internet of nan subscripcion di IPTV debidamente si nan kier disfruta di cada minuut di e accion. News Editor, Proofreading and corrections



*Famia di comerciante local
Netamente Criyoyo!*

Cas di Max

Y Generacion di!

“TEXAS - Karin Jewelry”

*Ta manda un
Hiep, Hiep, Hoorra!*

Aruba un Feliz Dia di Rey



Mueble y mas

PARLAMENTARIO XIOMARA MADURO A PARTICIPA NA E CONVERSATORIO RIBA PAPIAMENTO NA BIBLIOTECA NACIONAL



Parlamentario Xiomara Maduro a participa recientemente na e conversatorio titula “Papiamento, Un storia di seis siglo”, organisa pa Biblioteca Nacional den su Sala Arubiana-Caribiana.

Durante e actividad, participantenan a intercambia pensamento riba:

- E origen di Papiamento y su evolucion durante seis siglo.
- E balor cultural profundo cu e idioma tin pa Aruba.
- E retonan cu e lenga ta enfrenta den e era moderno y pa futuro.

Conscientisacion y Identidad nacional

Parlamentario Maduro ta enfatisa cu e ta di gran importancia pa lidernan, hobenan y comunidad participa activamente den conversatorionan asina. Segun Maduro, e tipo di dialogo aki ta crea consciencia riba

e rol fundamental cu Papiamento tin den nos identidad nacional y ta stimula accion concreto pa proteha y fortalece nos lenga. “E dialogo habri riba nos idioma ta esencial pa garantiza cu Papiamento no solamente ta sobrevivir, sino tambe ta sigui florece den generacionnan mas hoben,” Maduro ta expresa.

Ademas, e parlamentario ta indica cu participacion den evento cultural y educativo ta yuda consolida e aprecio pa nos herencia linguistico y ta inspira colaboracion entre institucionnan y comunidad pa mantene nos idioma bibo.

Pa conclui, Parlamentario Maduro ta expresa su gratitud na Biblioteca Nacional, specialmente na e ekipo di Sala Arubiana-Caribiana, pa organisa un espacio asina importante pa reflexion y intercambio di conocimiento.

Nos identidad ta biba den nos lenga. Ban honr’e, papi’e, skirbi’e y stim’e!



BANCO CENTRAL DI BISHITA CERCA MINISTER PLENIPOTENCIARIO MILDRED SCHWENGLE



Den Haag – Un delegacion di Banco Central di Aruba (CBA) encabesa pa vice-presidente di CBA Miriam Gonzales a haci un bishita di cortesia na Minister Plenipotenciario Mildred Schwengle.

Banco Central di Aruba ta actualmente na Hulanda unda nan ta participa na e bolsa “Werken in de Caribbean” cu ta parti di e Carrièrebeurs dia 24 y 25 di April na Rai Amsterdam. Banda di e bolsa CBA ta tene dos encuentro “Conoce bo Banco Central” dia 28 di April na Utrecht y dia 29 di April na Groningen.

Nota pa redaccion: E potret ta cortesia di Gabinete di Aruba





CROES WEVER RUIZ
LAWYERS

BIRTHDAY WISHES TO
THE KING
OF
NETHERLANDS

REY WILLEM
ALEXANDER

PABIEN REY WILLEM
RIBA BO CUMPLEAÑOS.

FELIS DIA DI REY.






EN CONEXION CU DIA DI REY DIALUNA NO TIN SORTEO DI LOTTO



Oranjestad, Aruba- 25 di april, 2026: En conexion cu Dia di Rey, Lotto ta anuncia cu dialuna awo, dia 27 di april, no lo tin sorteo di merdia y anochi. Lo tin sorteo normal bek riba diamars 28 di april 2026.

Oficinanan di Lotto na Oranjestad y San Nicolas tambe lo ta cera dialuna y ta habri bek riba diamars dia 28 di april 2026.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Feliz Dia di Rey

SVb ta participa cu riba
dialuna 27 di april 2026
tur oficina ta cera.

POR NOTIFICA AO unicamente den
MiSVb Trahado App.

Orario: 7:00am pa 11:00am.

Clientenan cu haya problema cu e
MiSVb Trahado App por comunica
pa ayudo via di

Whatsapp +297 527 2727
(unicamente texto.)



Feliz dia di *Rey!*

En conexion cu celebracion di
Dia di Rey nos oficina lo ta cera:

dialuna, 27 di april 2026

Nos lo ta habri bek pa duna
servicio segun nos orario regular:

diamars, 28 di april 2026

APFA ta crea awe **balor pa mañan**

Hoben cu aspiracion den cuido medico inspira MAS DI 300 STUDIANTE A ASISTI DI CUATER “OPEN DAG” NA HOH



Pa di cuater aña consecutivo, HOH Academy di Horacio Oduber Hospital (HOH) a organisa un “open dag” cu meta pa inspira y informa hobennan estudiante riba e diferente oportunidadnan den mundo di cuido. Durante e “open dag”, mas cu 300 estudiante a bishita e evento, unda nan a haya e oportunidad pa papia directamente cu profesionalnan di diferente departamento, haci pregunta y conoce di cerca e diferente funcionnan cu tin den nos Hospital. Un mainta exitoso cu bishita tambe di nos Minister di Salubridad, Asunto Social, Cuido di Adulto Mayor y maneho di Adiccion sra. Mervin Wyatt- Ras cu tambe tabata emocionada pa mira tanto interes di nos hobennan.

Segun Jacco Vroegop, presidente di Hunta di Directiva na HOH, un cantidad grandi di colega a participa pa conta con e trabou diario ta y con gratificante e ta pa forma

parti di un organisacion manera HOH. Hopi di e hobennan cu tin interes pa traha den hospital tabata presente, mustrando entusiasmo pa sa y siña mas. Danki sigur na e nursenan, team di oncologia, radiologia, departamento di mucha, recurso humano y tambe HOH Academy, cu banda di organisa a duna demostracion di CPR. Tambe danki na e team cu a brinda e tour den hospital manera sala di operacion, radiologia, dialyse, functiekamer, revalidatie y departamento di mucha.

E evento a haya un acogida positivo den comunidad, cu un interes visibel di parti di e hobennan pa orienta nan futuro profesional. “Mi ta spera cu hopi di esnan cu a bishita nos tambe dicidi pa bin traha cerca nso, pa hospital, pa publico y pa Aruba,” Vroegop di HOH a expresa.

Un di e studentenan cu a bishita nos, Lianne Ras, a comparti cu tin interes

den area medico manera radiologia, hematologia of patologia. Ela bishita e “open dag” pa haya un miho idea di cua direccion ta atrae mas. Su decano di scol a informa’e di e evento, y el a decidi pa asisti hunto cu su famia y amigonan. Segun Lianne, e tabata hopi emocionada pa conoce mas di e diferente departamentonan, specialmente e sala di operacion.

HOH ta desea di gradici HOH Academy y tambe tur colega cu a contribui na e dia aki, brindando informacion cu hopi entusiasmo y dedicacion.

Nan compromiso ta muestra claramente cu HOH semper t’ey pa su pashentnan pero tambe pa guia y apoya nos hobennan den nan desaroyo y futuro profesional. HOH ta mira cu satisfaccion con e evento a logra conecta cu e futuro profesionalnan y lo continua cu e iniciativa aki den futuro.

ARTE DI SKIRBI



Ariba un canvas blanco
A aparece un lion fish
Cu creatividad y fantasia
E colornan suave a briya
Ta bayla cu e kwashi
Colornan di tur banda
A laga e lion fish landa
Despues di un anya den pauze
y sin movecion
E kwashi a tuma curashi den
su mesun expresion
Un cuminsamento reanuda

Pasobra relatonan no lo wordo skirbi ni manda mas
A yega tempo pa cosnan nobo y diferente
Pa hopi anja a alegra curasonnan di nos grandinan na un
manera
suave unico y excelente
Di curason y cu alegria
Den e poema aki nos danki pa boso dushi compania
Den un bon dia yen di alegria!
Boso ta lectornan contento y hopi atento tur momento
Danki pa tur bon comentario cu mi a ricibi
Danki pa boso atencion
Pa tur tema y topico pa mi cubri
Mi dedenan a bayla riba e teclanan di mi laptop
Riba tereno social y cultural na un manera sin igual
excepcional
Na Lady Ruth su manera
artistico caluroso unico y special
Danki na e medionan di comunicacion : Extra Bonaire, Solo
di pueblo, E Arubiano News EANEWS, Awe Mainta on line y
Diario
Pa nan bunita cooperacion
den tur publicacion
Un danki grandi di curason specialmente na e cabayero Nilton
Lacle , periodista profesional di Diario
Pa a crea e Skina di Ruthy
Cu e curasonnan di amor
Pero awor tur cos tin un cuminsamento y un fin
Y awor e fin di relatonan semanal di Ruthy Lady Ruth a bin
Su sabiduria den su alegria
A impacta den su manera
Cu hopi no a spera
Cu hasta sinya nan a sinya tur lector algo sigur
Hasta den momentonan un crenchi scur
Berdad cu tin bes ta hasi dolor
Cu su banda di fe y amor
Bida lo sigi dray y lora
Mientras tin cu ta hari otro lo yora
Nos ta conclui nos ultimo relato cu nos humilde peticion
Pa sigi bishita nos grandinan y duna nan debido atencion!
Dios mes lo anyadi aserca mas amor y bendicion.
Un "bearhug" di Ruthy Lady Ruth Vrieswijk Bergen.



Minister Geoffrey Wever: REGULACION DI INTERES MAXIMO RIBA CREDITO TA UN PASO IMPORTANTE PA POSICION FINANCIERO SANO DI NOS HOGARNAN

Oranjestad, 23 april 2026 - Minister di Finansa, Asunto Economico y Sector Primario, mr. Geoffrey Wever, hunto cu Banco Central di Aruba (CBA), a duna presentacion na comision parlamentario CFOCS (Commissie Financiën, Overheidsorganisatie, Cultuur en Sport) tocante e avansenan den e implementacion di e Landsverordening regeling consumentenkrediet.

E ley a ser aproba na 2022 y tin como meta proteha e consumidor ora di wordo otorga un producto financiero manera un credito di placa, credito di bienes of empeña articulonnan. Tambe evita credito excesivo y pone un porcentahe maximo di interes na credito, hunto cu suma maximo cu por wordo cobra pa 'late payment fees', 'early payment fees' y gastonan di incasso. Cu e regulacion aki e dunador di credito no por cobra porcentahe di interes of otro gastonan mas halto cu ley ta stipula. Actualmente no tin e regulacion aki. Segun Minister Wever, e realidad aki ta impacta no solamente e cartera di e ciudadano, sino tambe estabilidad emocional y bienestar di hopi hogar.

Den e presentacion na Parlamento Minister Wever a elabora riba e avansenan haci den implementacion di e ley. E ley ta uno sumamente complica cu mester wordo trata cu e diligencia necesario. E ley ta duna e minister di economia e autoridad pa stipula e porcentahe di interes maximo cu un dunador di credito por cobra e consumidor. Den cuadro di e complexidad di e materia y e implicacionnan di esaki e proceso pa por jega na un porcentahe di interes maximo tabata uno largo door cu mester haci investigacion y ricibi diferente consehonan. Den e proceso mester a tene na cuenta e diferente tiponan di termino di credito, e operacion di dunadornan di credito y e necesidad di cierto tipo di servicio di credito bou consumidornan. Minister Wever a indica cu ta importante pa introduci e porcentahe maximo di manera cuidadoso y responsabel y no di manera disruptivo. Pesey lo introduci e porcentahe di interes maximo pa un periodo di un año y lo monitorea esaki pa por sigui reduci esaki na un manera prudente.

Preparacion di un kredietregistratiestelsel tambe



ta parti di e ley, cual lo yuda determina si un persona por haya credito sin pone su situacion financiero den riesgo door di acumulacion excesivo di debenan. E sistema aki por ser compara cu e sistema di BKR (Bureau Kredietregistratie) na Hulanda. Banda di esaki lo tin tambe un unidad na CBA cu lo ta encarga cu supervision y handhaving di e ley.

E ley ta premira pa drenta na vigor den su totalidad 1 di januari 2027 y e intencion ta pa laga e parti cu ta regula e porcentaje maximo riba cierto tipo di interes drenta na vigor 1 di juli 2026 pa asina en todo caso tin proteccion civil pa e

consumidornan y e dunadornan di credito por cuminsa adapta nan operacionnan na e cuadro legal nobo.

“Regulacion di credito na consumidor ta importante. Como parti di proteccion di consumidor nos no por acepta cu famianan ta keda tranca den un circulo di debe door di interesnan exagera of door di credito cu no ta responsabel. Cu e regulacion aki ta proteha e consumidor, contribui na un ‘level playing field’ den e segmento di mercado aki y yuda crea un posicion financiero mas sano pa nos hogarnan,” Minister Wever a declara.

**Comision Celebracion
Dianan Nacional ta
invita un y tur**

PA PRESENCIA E ACTO PROTOCOLAR DI GOBIERNO RELACIONA CU DIA DI REY



Minister Geoffrey Wever:

LANZAMIENTO DI CORPGOV.AW TA UN PASO CONCRETO PA FORTALECE BON GOBERNACION NA ARUBA

Oranjestad, 22 di April 2026 – Minister di Finansa, Asunto Economico y Sector Primario, mr. Geoffrey Wever, a habri e evento pa e lanzamiento oficial di e website corpgov.aw, marcando un paso importante den e fortalecimiento di bon gobernacion na Aruba. E website ta funciona como un plataforma central unda kadernan, splicacionnan y instrumento practico ta bin hunto. Un luga unda directornan y supervisoran por haya direccion, profundisacion y apoyo den nan practica diario.

E proyecto di ley di e Ordenanza Nacional Corporate Governance y eCodigo di Corporate Governance pa Aruba no ta nobo. E politica di participacion gubernamental y e politica di dividendo ta forma e base pa un maneho mas structura y profesional como accionista. Den pasado e Commission di Corporate Governance a traha riba e documentonan aki. Loke a falta tabata e momento unda contenido, atencion na nivel di gobernacion y implementacion a bin hunto.

Minister di Finansa y su Ministerio di Finanzas ta responsabel pa e maneho y coordinacion di participacion gubernamental (deelnemingenbeleid) general di gobierno.

E ministernan tin un mandato via minister di Finanzas pa representa Land Aruba como accionista den nos companianan estatal. Den su mes ministerio, un procedimiento transparente a wordo sigui pa e nombramento di un miembro di Raad van Commissarissen di Aruba Agriculture Development Company N.V., unda a publica vacatura abiertamente y a selecciona un candidato basa riba un proceso structura y profesional.

Aruba, como prome pais den e parti Caribeense di Reino Hulandes, ta introduci politica cla pa e maneho di participacionnan gubernamental y dividendonan. Cu e entrada na vigor di e legislacion nobo di Corporate Governance, e principianan aki lo bira tambe un obligacion legal, transformando gobernacion di algo simbolico pa algo real y concreto.

“Bon gobernacion ta wak mas leu cu solamente awe. E ta un forma di good ancestorship — decisionnan cu wowo pa mañan, pa respeto pa generacionnan futuro y pa e confianza cu nan ta pone den nos” e mandatorio a comparti. “Den a ramo aki, lo tin varios curso y training ofrece pa tanto profesional hoben y directornan y supervisoran” Esaki ta un demonstracion

claro di con gabinete AVP-Futuro ta continua haci stapnan concreto pa progreso, transparencia y un maneho gubernal mas responsable.

Pa finalisa, Minister Wever a expresa su agradecimento na e Comision Corporate Governance, e Team di Implementacion y tur esnan cu a contribui na e trayecto aki.



DIA DI REY 2026

Uni den celebracion

Aruba Dushi Tera 18 MAART

aib
bank

Skill on your side

BANCO DI CARIBE

PROME MINISTER TA INVITA COMUNIDAD PA UNI NA E CEREMONIA DI REFORESTACION DIA DI REY NA HENNY EMAN BOULEVARD



Den continuacion di e programa nacional di reforestacion, Prome Minister Mike Eman a bishita personalmente e area na Henny Eman Boulevard, unda actualmente ta realisa trabounan di preparacion pa plantacion di mata. Durante e bishita, Prome Minister a extende un invitacion na comunidad pa participa den e ceremonia di plantacion, cu lo tuma luga dialuna 27 di april (Dia di Rey) pa 4'or di atardi, den e area dilanti AUA.

Segun Prome Minister, e iniciativa ta forma parti di un esfuerzo consistente pa haci Aruba mas berde, cu un maneho strategico pa selecciona ubicacionnan caminda reforestacion no solamente lo fortalece naturalesa, pero tambe contribui na embeyecimento y balor di e entorno.

Eproyecto na e interseccion di Adriaan Laclé Boulevard cu Henny Eman Boulevard ta un ehempel concreto di

e enfoque aki, combinando desaroyo urbano cu restauracion di vegetacion nativo.

Prome Minister a expresa su aprecio pa Aruba Airport Authority (AUA) pa su cooperacion den e proyecto, resaltando importancia di colaboracion entre sector publico y priva pa logra impacto duradero.

Den e mesun contexto, el a subraya e trabou continuo di Aruba Conservation Foundation, cu a desaroya un nursery enfoca riba cultivo di matanan endemico. E

iniciativa aki lo provee e base pa sostenibilidad di e programa di reforestacion, cu meta pa planta miles di matanan nativo riba e isla. Prome Minister a indica cu e vision ta ambicioso, cu un obhetivo pa yega na cifra di shen mil mata, semper manteniendo enfoque riba especie nativo pa proteha y fortalece ecosistema local.

E invitacion ta habri na henter comunidad pa participa activamente den e proceso di reforestacion, marcando un paso concreto pa un Aruba mas berde, sostenibel y conecta cu su naturalesa.



SESOSPORT CRIOYO PA RBC BANK




Recien Aruba branch leadership RBC Bank a tene un employees appreciation week y como ultimo actividad a tene un hersengymnastiek dedica na Aruba su elementonan cultural, dia di Rey 2026 y algo mas. E presentadonan tawata docentenan Addonsito Croes y Jarissa Dubero. E segmentonan tawata

Arubanita, e baile, e caha magico, ken nan ta, conoce bo banco y berdad of falso. Total 5 grupo a participa y cada un tawatin nomber di un fruta. Cherry, Bacoba, Grapefruit, Batido y Mandarin. Na final a anuncia e ganadornan. Miho bailado: Brandon Persona MVP: Sharlyn Premio sorpresa: Rachelle

E grupo cu mas ambiente tawata Bacoba. E segundo luga grupo Bacoba y e grupo ganado a resulta grupo Batido. Danki ta bay na e team organizado y cada empleado cu a participa activamente y cu hopi ambiente. Pabien na tur ganado.

Fijne Koningsdag!

SOPLO DI LETRANAN



A	S	I	E	R	V	A	S	A	T
D	A	V	I	D	P	J	I	S	I
W	M	S	S	Q	W	O	H	I	M
Q	U	U	T	U	X	S	I	E	O
X	E	S	T	E	R	E	J	R	T
W	L	X	T	U	W	Q	A	V	E
I	S	A	A	C	P	Q	A	A	O
I	J	O	S	I	A	S	I	P	A

Encuentra las palabras en la sopa de letras y márcalas aquí

- ☐ Samuel
- ☐ José
- ☐ Isaac
- ☐ Timoteo
- ☐ David
- ☐ Josias
- ☐ Ester
- ☐ Hija de Jairo
- ☐ Sierva de Naamán
- ☐ Niño que dio sus panes y peces

SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9



Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forsa. E di dos mandamento mes importante: "Stima bo prohimo manera cu bo ta stima bo mes. No tin ningun otro mandamento cu ta mas importante cu esakinan." (Marco 12, 30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, carghe cendi durante henter bo bida, y pase despues na bo yiunan, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrege na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den nomber di Hesus di Nazaret. Amen.

KONINGSDAG



Sagicor ta felicita e pueblo di
Aruba y di Reino na e feliz
ocasion di cumpleaños di nos
Rey S.A.R. Willem-Alexander.


Sagicor
LIFE

GABINETE AVP- FUTURO TA FELICITA CONDECORADONAN REAL



- Sra. Rona Haya Kahan
- Sra. Lillian Gloria Macknack
- Sra. Elfrida Alberina Pengel
- Sr. Juan Fulgencio Ruiz
- Sr. Ramphis Emile Milton Tromp
- Sra. Stella Hing Tromp-Chan
- Sr. Ireño Antonio Valdes

Gabinete ta expresa su aprecio profundo pa e esfuersonan di tur condecoradonan, kende a sirbi como ehempel di compromiso civico, boluntarismo y liderazgo den diferente sector di sociedad.

Lo presenta e condecoracionnan durante ceremonia oficial di “Lintjesregen” na Aruba, marcando un momento di orguyo nacional y reconocimiento pa contribucionan cu tin impacto duradero.

Gabinete y Prome Minister Mike Eman ta desea tur condecorado sincero felicitacion y ta anima comunidad pa sigui reconoce y balora e aporte di esnan cu, pa nan dedicacion, ta contribui na progreso di nos isla.



- Sr. Samuel Ewald Dumfries
- Sra. Francisca Petra Figaroa
- Sra. Joseany Violine Justine Geerman
- Sra. Niti Gupta
- Sra. Omar Clemencia van Heyningen
- Sra. Theresa Clarice van Heyningen



Den ocasion di celebracion di Dia di Rey, Gabinete AVP-Futuro, Prome Minister Mike Eman, Vice Premier Gerlien Croes, Minister Rene Herd , Minister Wendrick Cicilia, Minister Geoffrey Wever, Minister Arthur Dowers y Presidente di Parlamento Marlon Sneek, a expresa nan mas sincero felicitacion na tur ciudadanonan di Aruba cu a wordo honra cu un Condecoracion Real den 2026. Awe mainta a publica e lista

oficial di condecoradonan den un edicion special di Staatscourant. E otorgacion di e condecoracionnan ta forma parti di e tradicion anual relaciona cu cumplea o di Su Majestad King Willem-Alexander, como Gran Maestro di e ordenan. E a a aki, un total di 19 persona di Aruba a ricibi e honor, pa nan contribucion excepcional na sociedad. E reconocimiento aki ta duna na personanan cu, pa medio di nan dedicacion y compromiso, a contribui significativamente na bienestar, desaroyo y fortalecimiento di comunidad. Lo condecora e siguiente personanan como ‘Lid in de Orde van Oranje-Nassau’:

- Sr. Oscar Edmundo Bolivar
- Sra. Cherryldine Th r se Buckley
- Sra. Ida Philomena Croes
- Sra. Shahaira Valerie Croes

Gradicimento / Invitacion

Na number di famia nan nos kier a gradici cada un cu a tuma nan tempo pa a bin bishite y dispidi di nos ser stima:



Cornelia Maduro-Willems
Cari osamente yama “Nea, Abelita, Awela”

Boso muestra di atencion ta di hopi aprecio y un gran consuelo pa nos.
Un danki special na Dokter Sneek, Christina y Diana.
Tambe na Aurora Funeral Home pa cu su bon servicio y atencion.

Ta invita pa asisti na 3 Santo Sacrificio di misa cual lo tuma lugar na
Misa Pro Cathedral San Francisco,
Djabierna 24 april 2026 pa 7’or di anochi
Diadomingo 26 april 2026 pa 9’or di mainta
Diaranson 29 april 2026 pa 7’or di anochi

Despues di ultimo misa lo tin un rosario na cas pa descanso di su alma.

Bo(so) presencia lo ta altamente aprecia.